

瑜伽師地論

第四十七

二百廿七
惡七

49037



元祿九年丙子二月日重脩

皇圖聖圖 帝潛綴昌

佛日增輝 懋言輪常轉

山城州天安寺法金剛院置



瑜伽師地論卷第四十七

彌勒菩薩說

沙門玄奘奉詔譯

本地分中菩薩地第十五

第二持隨法瑜伽處菩薩相品第一

云何真實諸菩薩相。喞拖南曰

真實諸菩薩。五種相應。知自性依處果

次第攝五轉

謂諸菩薩有五真實菩薩之相。若成就者。墮

菩薩數。何等為五。一者哀愍。二者愛語。三者

勇猛。四者舒手惠施。五者能解甚深義理。密

意如是。五法當知。一一各有五轉。一者自性

二者依處。三者果利。四者次第。五者相應。



知此中哀愍自性略有二種一在意樂二在
正行在意樂者謂諸菩薩於諸有情利益意
樂安樂意樂是名哀愍在正行者謂諸菩薩
於諸有情如所意樂隨力隨能身語饒益是
名哀愍愛語自性謂如前說若慰喻語若慶
悅語若勝益語當知如前攝事品說勇猛自
性惡 瑜伽師地論卷七謂諸菩薩剛決堅固無所怯劣有大勢力
若諸菩薩廣大施性無染施性是名舒手惠
施自性若諸菩薩四無礙解及即於彼無倒
引發正加行智是名能解甚深義理蜜意自
性當知菩薩哀愍依處略有五種何等為五
一有苦有情二惡行有情三放逸有情四邪

行有情五煩惱隨眠有情那落迦等所有有情皆為苦受速綿相續逼切而轉如是名為有苦有情或復有情雖非定苦而多現行諸身惡行諸語惡行諸意惡行於諸惡中喜樂安住所謂屠養羊猪雞等不律儀輩如是名為惡行有情或復有情雖非定苦及行惡行而於諸慾耽著受用常樂安住種種俳優歌儻笑睇以自娛樂所謂一類受欲塵者如是名為放逸有情或復有情雖非定苦行惡放逸而依妄見修行種種苦解脫行謂捨諸慾於惡說法毗柰耶中而出家者如是名為邪行有情或復有情雖非定苦廣說乃至非修

邪行而或具縛或不具縛為諸煩惱之所隨
眠謂正修行賢善異生及諸有學是名煩惱
隨眠有情是名菩薩所有哀愍五種依處由
此依處由此所緣哀愍而轉除此無有若過
若增當知菩薩愛語依處亦有五種何等為
五一正言論語二正慶悅語三正安慰語四
惡 瑜伽師地論四十七正廣恣語五如理說語如是廣辯應知如前
攝事品說是名菩薩所有愛語五種依處由
此依處由此所緣愛語而轉除此無有若過
若增當知菩薩勇猛依處亦有五種何等為
五謂即如前菩提分品所說菩薩堅力持性
五種依處當知是此菩薩勇猛五種依處由

此依處由此所緣勇猛而轉除此無有若過
若增當知菩薩舒手惠施亦五依處何等為
五一數數惠施二歡喜惠施三殷重惠施四
無深惠施五無依惠施如是五種如前施品
廣辯應知由此依處由此所緣菩薩舒手惠
施而轉除此無有若過若增

當知菩薩能解甚深義理密意亦五依處何
等為五謂於如來所說契經隨順甚深甚深
顯現空性相應緣性緣起應知是名第一依
處於毗奈耶毀犯善巧還淨善巧當知是名
第二依處於摩怛理迦施設建立無倒法相
當知是名第三依處能正顯除意趣難解諸

法想義當知是名第四依處於一切法法義
釋詞品類差別當知是名第五依處由此依
處由此所緣菩薩能解甚深義理密意而轉
除此無有若過若增

菩薩哀愍於諸有情最初能剷怨害嫌恨菩

薩哀愍普於一切利有情事皆能修作心無

思 瑜加師地論卷七

怯劣於此加行嘗無厭倦多住哀愍能攝無

三

罪現法樂住及饒益他又如世尊所說修慈

所得勝利謂於現身毒藥刀仗不加害等如

是一切菩薩哀愍皆當了知是名菩薩哀愍

果利菩薩愛語於現法中斷語四過所謂妄

語離間麁惡及以綺語由此愛語於現法中

能自攝受能攝受他安隱而轉菩薩愛語於
當來世其言敦肅言必信用是名菩薩愛語
果利菩薩勇猛於現法中能離一切懶惰懈
怠心常歡喜能受菩薩淨戒律儀受已終無
毀犯退屈能正堪忍攝受自他於當來世一
切菩薩所起事業稟性堅固凡所造修若未
成辦終無懈退是名菩薩勇猛果利當知菩
薩舒手惠施能解甚深義理密意所得果利
如威力品惠施威力般若威力差別應知是
名菩薩舒手惠施能解甚深義理密意二種
果利是名菩薩互相果利
云何互相如是次第謂諸菩薩先修哀愍攝

受有情於彼顧念欲作饒益次修愛語為彼
有情出不善處安立善處宜說正理攝受教
誨次修勇猛於已趣入諸有情類若諸有情
起諸邪行種種煩惱變異事中皆能堪忍為
不棄捨安住種種正行邪行諸有情故是諸
菩薩修勇猛已一類有情以財攝受能令成
熟惡 瑜伽師地論卷七一類有情以法攝受能令成熟一類有情
以財以法二種攝受能令成熟是故菩薩次
後修習舒手惠施能解甚深義理密意當知

是名菩薩五相前後次第

問菩薩五相六到彼岸何到彼岸攝何等相
答菩薩哀愍當知靜慮到彼岸攝菩薩愛語

尸羅般若若到彼岸攝菩薩勇猛進忍般若若到
彼岸攝菩薩所有舒手惠施當知即施到彼
岸攝菩薩所有能解甚深義理密意靜慮般
若到彼岸攝

如是真實菩薩互相當知一一皆有五轉所
謂自性依處果利次第相攝已廣分別應如
實知

本地分中菩薩地第十五

第二持隨法瑜伽處分品第二

在家出家二分菩薩有幾種法正修學時速
證無上正等菩提

二分諸菩薩 初事業善修 善巧饒益他

迴向最為後

謂諸菩薩或在家分或出家分差別轉時略
有四法當知此在家出家二分菩薩正勤
修學速證無上正等菩提何等為四一者善
修事業二者方便善巧三者饒益於他四者

無倒迴向

思 瑜伽師地論四十七

五

云何菩薩善修事業謂諸菩薩於六波羅蜜
多決定修作委悉修作恒常修作修罪修作
云何菩薩於施波羅蜜多決定修作謂諸菩
薩現有種種種可施財法諸乞求者正現在前
有恩無恩有德有失無有差別要當施與若
人非人若諸沙門若婆羅門及餘世間無有

如法能令施心有所傾動云何菩薩於施波
羅蜜多委悉修作謂諸菩薩現有種種可施
財法諸乞求者正現在前一切施與無有少
物於諸有情而不能捨於內身命尚能惠施
何況外物云何菩薩於施波羅蜜多恒常修
作謂謂菩薩於修惠施無有厭倦恒常無間
於一切時隨有所得即隨惠施無所吝惜云
何菩薩於施波羅蜜多無罪修作謂諸菩薩
遠離如前施品所說諸雜染施修行所餘無
雜染施如是菩薩於施波羅蜜多能善修作
如於施波羅蜜多能善修作如是於戒忍精
進靜慮慧波羅蜜多如其所應當知亦是

名菩薩由四行相於其六種波羅蜜多決定
修作委悉修作恒常修作無罪修作

云何菩薩方便善巧當知如是方便善巧略

有十種何等為十一者憎背聖教有情除其

恚惱方便善巧二者處中有情令其趣入方

便善巧三者已趣入者令其成熟方便善巧

思 瑜珈師地論四十七

四者已成熟者令得解脫方便善巧五者於

諸世間一切異論方便善巧六者於諸菩薩

淨戒律儀受持毀犯能正觀察方便善巧七

者於諸正願方便善巧八者於聲聞乘方便

善巧九者於獨覺乘方便善巧十者於其大

乘方便善巧如是一切方便善巧如前即此

菩薩地中隨彼彼處已廣分別如應當知如是十種菩薩所有方便善巧能作五事謂由前四種方便善巧令諸菩薩能正安立所化有情於自義利由於世間一切異論方便善巧令諸菩薩善能摧伏一切異論由於菩薩淨戒律儀受持毀犯能正觀察方便善巧令諸菩薩不犯所犯犯已速疾如法悔除於善清淨菩薩所受淨戒律儀能善修學由於正願方便善巧令諸菩薩能證當來一切所愛事義圓滿由於三乘方便善巧令諸菩薩於諸有情隨其種姓根及勝解說相稱法說順正理是名十種方便善巧令諸菩薩能作五

事由此五事能令菩薩現法當來一切事義
皆得究竟

云何菩薩饒益於他謂諸菩薩依四攝事即
布施愛語利行同事能與一分有情利益能
與一分有情安樂能與一分所化有情利益
安樂是名略說菩薩所有饒益於他廣說如
思 瑜伽師地論甲七
前自他到品應知其相

云何菩薩無倒迴向謂諸菩薩三門積集所
有善根即善修事業方便善巧饒益於他去
來今世一切攝取以淳一味妙淨信心迴求
無上正等菩提終不用此所集善根希求世
間餘果異熟唯除無上正等菩提

世尊所有為在家分或出家分諸菩薩說所
應學法當知一切此四所攝謂善修事業方
便善巧饒益於他無倒迴向是故如是善修
事業方便善巧饒益於他無倒迴向諸菩薩
衆親近隣逼難得難證無上菩提當知過去
未來現在所有菩薩或在家分或出家分精
勤修學於其無上正等菩提曾當現證一切
皆由如是四法除此無有若過若增
又諸菩薩或在家分或出家分雖復同於如
是四法正勤修學而出家者於在家者甚大
殊異甚大高勝所以者何當知一切出家菩
薩於其父母妻子親屬攝受過患皆得解脫

在家菩薩則不如是又復一切出家菩薩於
為攝受父母親屬營農商估事王業等種種
艱辛遯務憂苦皆得解脫在家菩薩則不如
是又復一切出家菩薩一向能行鈎鎖梵行
在家菩薩則不如是又復一切出家菩薩普
於一切菩薩提分法速證通慧隨所造修彼彼
惡 瑜伽師地論四十七
善法皆能疾疾到於究竟在家菩薩則不如
是又復一切出家菩薩安住決定清淨律儀
凡所發言衆咸信奉在家菩薩則不如是如
是等類無量善法當知一切出家菩薩於在
家者甚大殊異甚大高勝

本地分中菩薩地第十五

第二持隨法瑜伽處增上意樂品第三

云何菩薩增上意樂。暕拖南曰

智者於有情。有七相憐愍。十五勝意樂。

作十事應知。

謂諸菩薩於諸有情。深心發起七相憐愍。以

諸菩薩具憐愍。故名善意樂。極善意樂何等

名為七相憐愍。一者無畏憐愍。二者如理憐

愍。三者無倦憐愍。四者無求憐愍。五者無深

憐愍。六者廣大憐愍。七者平等憐愍。謂諸菩

薩於諸有情。非怖畏。故而起憐愍。現行隨順

身語意業。適可其心。利益安樂。是名菩薩無

畏憐愍。又諸菩薩於諸有情。非不如理憐愍。

而轉謂終不以非法非律非賢善行及以非
處勸授有情是名菩薩如理憐愍又諸菩薩
於諸有情如是憐愍隨其所宜發起一切饒
益事業曾無厭倦是名菩薩無倦憐愍又諸
菩薩於諸有情不待求請自起憐愍為作饒
益是名菩薩無求憐愍又諸菩薩於諸有情
惡 瑜伽師地論四七
無愛染心而起憐愍謂饒益他不祈恩報亦
不怖望當來可愛諸果異熟是名菩薩無染
憐愍亦名菩薩無緣憐愍又諸菩薩於諸有
情所起憐愍唯是廣大而非狹小言廣大者
謂於一切諸有情所雖遭一切不饒益事而
不棄捨菩薩自身寧受非愛終不以惡欲加

於彼是名菩薩廣大憐愍又諸菩薩如是相
狀如是功德相應憐愍普於一切諸有情類
平等平等於有情界無有分限是名菩薩平
等憐愍菩薩與此七種行相憐愍相應名善
意樂極善意樂

當知此中淨信為先擇法為先於諸佛法所
有勝解印解決定是名菩薩增上意樂如是
菩薩增上意樂當知略說有十五種何等十
五一最上意樂二遮止意樂三波羅蜜多意
樂四真實義意樂五威力意樂六利益意樂
七安樂意樂八解脫意樂九堅固意樂十無
虛妄意樂十一不清淨意樂十二清淨意樂

十三善清淨意樂十四應調伏意樂十五俱
生意樂謂諸菩薩於佛法僧最上真實起勝
意樂是名菩薩最上意樂又諸菩薩於所受
持淨戒律儀起勝意樂是名菩薩遮止意樂
又諸菩薩於所修證施忍精進靜慮般若起
勝意樂是名菩薩波羅蜜多意樂又諸菩薩
惡 瑜伽師地論四十七
於法無我補特伽羅無我甚深勝義諸法真
如起勝意樂是名菩薩真實義意樂又諸菩
薩於佛菩薩不可思議神通威力或俱生威
力起勝意樂是名菩薩威力意樂又諸菩薩
於諸有情欲以善法而授與之是名菩薩利
益意樂又諸菩薩於諸有情欲以饒益而授

與之是名菩薩安樂意樂又諸菩薩即於如是諸有情所無愛深心又於當來可愛異熟其心無繫是名菩薩解脫意樂又諸菩薩於其無上正等菩提其心專注曾無變易是名菩薩堅固意樂又諸菩薩於諸有情饒益方便於大菩提趣證方便無顛倒智俱行勝解是名菩薩無虛妄意樂又諸菩薩勝解行地所有一切增上意樂是名菩薩不清淨意樂又諸菩薩從淨勝意樂地乃至決定行地所有一切增上意樂是名菩薩清淨意樂又諸菩薩到究竟地所有一切增上意樂是名菩薩善清淨意樂又諸菩薩不清淨意樂是則

名為應調伏意樂由此意樂應思擇故又諸
菩薩清淨意樂善清淨意樂是則名為俱生
意樂由此意樂性成就故於所依中善安立
故如是菩薩十五妙善增上意樂隨一切地
以要言之能作十事何等為十謂諸菩薩最
上意樂能於三寶修一切種最勝供養普於
惡 瑜伽師地論卷七
一切菩提資糧為最第一又諸菩薩遮止意
樂能於所受淨戒律儀命難因緣亦不故思
犯於所犯設有犯疾疾悔除又諸菩薩波
羅蜜多意樂能於善法常勤修習無放逸住
常住最勝無放逸住又諸菩薩真實義意樂
能為有情以無深心流轉生死不捨涅槃增

上意樂又諸菩薩威力意樂能於聖教覺受
淳淨上妙法味復能於修起堅固想欣樂多
住不唯聞思便生喜足又諸菩薩利益意樂
安樂意樂解脫意樂能於一切饒益有情所
作事業精勤修習雖常修習而無厭倦又諸
菩薩堅固意樂能於種種熾然精進廣大精
進發起安住無緩加行無新加行又諸菩薩
無虛妄意樂能於所引彼彼善法速證通慧
不於少分下劣薄弱差別證中而生喜足又
諸菩薩應調伏意樂能引俱生意樂又諸菩
薩俱生意樂能於無上正等菩提速疾趣證
能與天人作諸義利利益安樂應調伏意樂

即不清淨意樂俱生意樂即清淨意樂善清淨意樂故不別說

世尊所有為諸菩薩於彼彼處種種宣說施設開示增上意樂當知一切即此十五意樂所攝是故過去未來現在妙善意樂諸菩薩衆於其無上正等菩提曾當現證一切皆由思 瑜伽師地論卷七如是所說十五意樂除此無有若過若增如是菩薩十五意樂能得最大菩提果利是故菩薩依此意樂速證無上正等菩提

本地分中菩薩地第十五

第二持隨法瑜伽處住品第四

如是始從種姓具足廣說乃至於如所說菩

薩所學正勤修學於如所說菩薩諸相正等
顯現於諸菩薩分行中正勤修學於如所
說菩薩意樂能淨修治諸菩薩衆略有菩薩
十二種住由此菩薩十二種住普攝一切諸
菩薩住普攝一切諸菩薩行復有如來第十
三住由此住故現前等覺廣大菩提名無上
住云何菩薩十二住等暉柁南曰
種姓勝解行 極喜增上戒 增上心三慧
無相有功用 無相無功用 及以無礙解
最上菩薩住 最極如來住
謂菩薩種姓住勝解行住極歡喜住增上戒
住增上心住增上慧住復有三種一覺分相

應增上慧住二諸諦相應增上慧住三緣起
流轉止息相應增上慧住謂諸菩薩如實了
知能觀真實所觀真實及於真實諸有情類
由無智故衆苦流轉由有智故衆苦止息如
是菩薩由於三門以慧觀察故有三種增上
慧住及有加行有功用無間缺道運轉無相
惡 瑜伽師地論四十七
住無加行無功用無間缺道運轉無相住無
礙解住最上成滿菩薩住是名菩薩十二種
住如是菩薩十二種住普攝一切諸菩薩住
普攝一切諸菩薩行如來住者謂過一切諸
菩薩住現前等覺大菩提住此中最後如來
住者於後究竟瑜伽處最後建立品當具演

說菩薩所有十二種住如所安立我今當說
云何菩薩種姓住云何菩薩住種姓住謂諸
菩薩住種姓住性自仁賢性自成就菩薩功
德菩薩所應衆多善法於彼現行亦有顯現
由性仁賢逼遣方便今於善轉非由思擇有
所制約有所防護若諸菩薩住種姓住任持
一切佛法種子於自體中於所依中已具足
有一切佛法一切種子又諸菩薩住種姓住
性離麁垢不能現起上煩惱纏由此纏故造
無間業或斷善根如種姓品所說種種住種
姓相於此菩薩種姓住中亦應廣說應如實
知是名菩薩種姓住

云何菩薩勝解行住謂諸菩薩從初發心乃至未得清淨意樂所有一切諸菩薩行當知皆名勝解行住又諸菩薩種姓住中於餘十一諸菩薩住及如來住唯有因轉攝受彼因於餘所有諸菩薩住尚未發趣未得未淨況如來住若諸菩薩勝解行住普於一切餘菩薩住及如來住皆名發趣未得未淨十四即於如是勝解行住亦名發趣亦名為得為令清淨而修正行勝解行住既清淨已極歡喜住先已發趣今復名得為令清淨而修正行極歡喜住既清淨已增上戒住先已發趣今復名得為令清淨而修正行如是廣說展轉乃至

惡

瑜師地論四十七

最上成滿菩薩住即此最上成滿菩薩住既
清淨已從此無間其如來住先已發趣當知
於今頓得頓淨是如來住於菩薩住當知此
中如是差別

云何菩薩極歡喜住謂諸菩薩淨勝意樂住
云何菩薩增上戒住謂諸菩薩淨勝意樂為
緣所得性戒相應住云何菩薩增上心住謂
諸菩薩增上戒住清淨為緣所得世間靜慮
等持等至住云何菩薩覺分相應增上慧住
謂諸菩薩以世間淨智所依等持為所依止
為覺諸諦於正念住等三十七菩提分法妙
揀擇住云何菩薩諸諦相應增上慧住謂諸

菩薩覺分揀擇為所依止於諸諦中如實覺
住云何菩薩緣起流轉止息相應增上慧住
謂諸菩薩於諦能覺增上力故揀擇顯示由
無智故若及因起揀擇顯示由有智故若及
因滅住云何菩薩有加行有功用無相住謂
諸菩薩即由三種增上慧住增上力故有加
惡 瑜伽師地論四七 十五
行有功用無缺無間於一切法真如無分別
慧修俱行住云何菩薩無加行無功用無相
住謂諸菩薩即於前無相住多修習已任運
自然無缺無間運轉道隨行住云何菩薩無
礙解住謂諸菩薩即以善清淨無動慧等持
為所依止得廣大慧為他說法無上為依能

於諸法異門義趣釋詞差別妙揀擇住云何
菩薩最上成滿菩薩住謂諸菩薩安住於此
於菩薩道已到究竟於阿耨多羅三藐三菩
提已得大法灌頂或一生所繫或居最後有
從此住無間即於尔時證覺無上正等菩提
能作一切佛所作事

又諸菩薩勝解行住於菩薩修所作狹小所
作無缺所作不定所得有退極歡喜住於菩
薩修所作廣大所作無缺所作決定隨所獲
得無復退轉如極歡喜住乃至三種增上慧
住應知亦尔從初無相住乃至最上成滿菩
薩住於菩薩修所作無量所作無缺所作決

定隨所獲得終無退轉

又諸菩薩勝解行住於菩薩無相修當知發

趣極歡喜住增上戒住增上心住增上慧住

於菩薩無相修當知獲得初無相住於菩薩

無相修當知圓證第二無相住於菩薩無相

修當知清淨無礙解住最上成滿菩薩住於

惡 瑜伽師地論四七

菩薩無相修果當知領受

十六

問勝解行住菩薩轉時應知何行何狀何相

答勝解行住菩薩轉時思擇力勝於諸菩薩

所作加行以分別慧數數思擇方能修作未

能住性成辦所作未得堅固相續無退菩薩

勝修如於勝修於勝修果種種無礙解神通

解脫等持等至亦未能得未能超越五種怖
畏謂不活畏惡名畏死畏惡趣畏處衆怯畏
於所應作利有情事策勵思惟方能修作未
能任性哀愍愛念或於一時於諸有情由身
語意發起邪行或於一時於諸境界發起貪
著或於一時於資生具現有慳恪信他諸佛
菩薩而行未能自內了知真實語於如來或
法或僧或真實義或有情事或佛菩薩神通
威力或因或果或應得義或得方便或於所
行皆隨他信成就狹小聞所成智思所成智
而非無量又即於此或時忘失有忘失法成
就菩薩苦遲通行於大菩提無猛利樂欲無

熾然精進無有甚深牢固淨信於其三處有
忘失念一於境界可意不可意色聲香味觸
法中或於一時其心顛倒忘失正念二於受
生彼彼身中既受生已忘失前生三於所受
所持諸法久作久說或於一時有所忘失於
是三處有忘失念或於一時具足聰慧於其
諸法能受能持於其義理堪能悟入或於一
惡 瑜伽師地論 十七
時則不如是或於一時具足憶念或於一時
成妄念類於諸有情未能了知如實調伏善
巧方便於自佛法亦未了知如實引發善巧
方便為他說法教授教誡勉勵而轉勉勵轉
故不如實知或時處棄或不虛棄如闇中射

或中不中隨欲成故或於一時於大菩提雖
已發心而復退捨或於一時棄捨菩薩先所
受學淨戒律儀不能受學或於一時雖勤修
習利有情事而於中間生厭倦故復還棄捨
利有情事由意樂故欲令自樂由思擇故欲
令他樂於諸菩薩所有違犯多分遍知非數
遍知無餘永斷由於毀犯數現行故或於一
時於菩薩藏法毗奈耶他所引奪或於一時
聞說甚深廣大法教而生驚怖其心搖動猶
豫疑惑於諸有情遠離一切現行大悲於諸
有情少分現前利益安樂未能廣大未能無
量於如上說一切圓滿菩薩學中未能普學

於如上說一切圓滿菩薩諸相未皆成就於
如上說一切圓滿二分菩薩正加行中未等
顯現於如上說菩薩意樂猶未清淨於其無
上正等菩提自謂為遠未於涅槃增上意樂
安立深固如於生死長時流轉於其熾然無
動妙善菩提分法未能成就如是等類當知
惡 瑜伽師地論卷七
是名勝解行住菩薩轉時諸行狀相是諸菩
薩勝解行住下忍轉時如上所說諸行狀相
當知上品中忍轉時如上所說諸行狀相當
知中品上忍轉時如上所說當知下品其性
微薄即於如是上忍轉時於上所說諸行狀
相漸次能令無餘永斷從此無間當知菩薩

入極喜住由得方便極喜住中勝解行住所
說諸法皆無所有與彼相違所有一切白品
諸法皆悉顯現由諸菩薩成就此故轉得名
為淨勝意樂勝解行住菩薩轉時雖有少分
軟中上品方便展轉清淨勝解而未得名淨
勝意樂何以故由此勝解為彼多種諸隨煩
惱染汙而轉極歡喜住菩薩住時一切勝解
諸隨煩惱皆悉永斷離隨煩惱淨勝解轉問
極歡喜住菩薩轉時應知何行何狀何相答
若諸菩薩從勝解行住入極歡喜住先於無
上正等菩提菩薩弘願未善通達菩提自性
未善通達菩提方便多分隨順他緣而轉不

善決定除捨彼故發起六相新善決定內證
修性菩薩大願超過一切餘白淨願無等不
共果是世間超越一切世間境界隨救一切
有情苦故不共一切聲聞獨覺雖一剎那生
起此願法性自今能得菩提無量白法可愛
之果又此大願無變無盡自性得已無異因
惡 瑜伽師地論卷十七
緣令其退轉變異可得又是勝分墮後邊際
十九
極大菩提如此菩薩善決定願亦名發心又
即如是菩薩發心略由四相應當了知何等
為四一者何相菩薩發心二者發心何所緣
慮三者發心何狀何相何自性起四者發心
有何勝利由此四相應當了知菩薩發心謂

諸菩薩勝解行住已善積集一切善根於菩薩行已正超出略說是相菩薩發心又諸菩薩緣當來世無倒速疾一切菩提資糧圓滿一切菩薩利有情事圓滿無上正等菩提一切種一切佛法圓滿諸佛所作事業圓滿略說緣慮如是發心又諸菩薩無倒速疾發起一切菩提資糧隨順於諸有情一切菩薩所作隨順獲得無上正等菩提無師自然妙智隨順遍一切種諸佛所作事業隨順廣大願心又諸菩薩發是心已超過菩薩凡異生地證入菩薩正性離生生如來家成佛真子決是趣向正等菩提決定紹繼如來聖種又正

獲得如實證淨極多歡喜於他有情遠離多
分忿害鬪諍於一切種菩薩所作利衆生事
於一切種菩提資糧圓滿於一切種無上菩
提一切佛法於一切種佛所作事以淨增上
意樂攀緣勝解趣入於是諸法速疾圓證自
觀已身能正隨順如是解了極多歡喜又自
惡 瑜伽師地論四十七
觀見妙善廣大能引出離無深無等攝受饒
益身心歡喜於此無量熾然善法皆悉成就
又自了知我於無上正等菩提今已隣近於
大菩提我勝意樂已得清淨我今已離一切
怖畏由是因緣極多歡喜由諸菩薩已能發
起善決定心於五怖畏皆悉除斷由善修習

無我妙智分別我想尚不獲轉況當得有分
別我愛或資生愛由是因緣無不活畏由於
他所無所怖望常自發起如是欲樂我當饒
益一切有情非於有情有所求覓由是因緣
無惡名畏由離我見於我無有失壞想轉故
無死畏自知死後於當來世決定值遇諸佛
菩薩由此決定無惡趣畏由意樂見一切世
間尚無有一與我齊等何況殊勝是故無有
處衆怯畏菩薩如是遠離一切五種怖畏遠
離一切聞說其深正法驚怖遠離一切高慢
憍傲遠離一切他不饒益種種邪行所起瞋
恚遠離一切世財貧喜無染汙故無所憎背

有熾然故無俗意樂能圓滿證一切善法又
現法中能起菩薩一切精進信增上力為前
導故於當來世如前所說菩提分品十種大
願今即於此極歡喜住能具引發由得清淨
勝意樂故為欲供養最勝有情真實福田大
師法主是故引發第一大願為欲受持彼所
宜說無上正等法是故引發第二大願為欲
勸請轉未曾有妙正法輪是故引發第三大
願為欲順彼行菩薩行是故引發第四大願
為欲成熟彼器有情是故引發第五大願為
欲往趣諸佛國土奉見如來承事供養聽受
正法是故引發第六大願為淨修治自佛國

思

瑜加師地論四十七

十一

土是故引發第七大願為於一切在所生處
常不違離諸佛菩薩與諸菩薩常同一味意
樂加行是故引發第八大願常為利益一切
有情曾無空過是故引發第九大願為證無
上正等菩提作諸佛事是故引發第十大願
作是願言如有情界展轉相續終無斷盡亦
如世道展轉相續終無斷盡我此大願生生
相續乃至究竟菩提邊際常不遠離常不忘
失常不乖離如是自誓心發正願當知此中
前就所應願事起願後即就願以起於願如
是菩薩十種大願以為上首能生無數百千
正願如是菩薩於當來世具諸大願於現法

中發大精進

復有十種淨修住法由是能令極歡喜住速
 得清淨一者於諸佛法深生淨信二者觀諸
 有情緣起道理證得唯有純大苦蘊發起大
 悲三者觀見彼已自誓願言我當令彼諸有
 情類解脫如是純大苦蘊得第一樂發起大
 慈四者為欲救拔一切憂苦自無顧戀無顧
 戀故能捨內外一切身財於諸有情而行惠
 施五者為欲利益諸有情故從他勤求世出
 世法曾無厭倦六者無厭倦故證得一切論
 智清淨善知諸論七者善知論故於劣中勝
 諸有情所如應如宜而修正行善解世間八

惡 瑜伽師地論四十七

十二

者即於如是正加行中依應時分量等正行而修慚愧九者即於如是正加行中得無退轉堅力持性十者以諸上妙利養恭敬及與正行供養如來是名十種淨修住法由此能令極歡喜住速得清淨所謂淨信慈悲惠捨無有厭倦善知諸論善解世間修習慚愧堅力持性供養如來

又諸菩薩於此十法受學隨轉多修習已復於餘九增上戒等諸菩薩住從佛菩薩專精訪求一切種道功德過失及神通樂無失壞道善取其行得等流相於一切住自然昇進證大菩提為大導師率領一切有情高旅超

度生死曠野嶮道當知此中諸行能入說名為行若正入時說名為得入已果利成辨圓證說名等流

又諸菩薩住此住中由二因緣現見諸佛或由聽聞菩薩藏說或由內心發起勝解信有

十方種種異名諸世界中種種異名諸佛如

惡 瑜伽師地論四十七

十三

來由處淨信俱行之心求欲現見如是求已如實稱遂當知是名第一因緣又心發起如

是正願隨於彼彼諸世界中有佛出現我當

往生如是願已如實稱遂當知是名第二因

緣菩薩如是由處淨信現見諸佛由正願力

現見諸佛既得見已隨力隨能興一切種恭

敬供養奉施種種上妙樂具及於僧衆恭敬
供養於如來所聽聞正法無倒受持精進修
行法隨法行以四攝事成熟有情一切善根
悉皆迴向無上菩提由是三種清淨因緣彼
諸善根倍復明淨謂於佛僧法供養攝受故
以四種攝事成熟有情故以一切善根迴向
菩提故如是乃至無量俱胝那庾多百千大
劫譬如世間點慧工匠以鑛性金置於火中
如如燒鍊如是如是轉得明淨如是淨勝意
樂菩薩所有善根由是三種清淨因緣轉復
明淨當知亦尔

又住於此在在生處多作輪王王贍部洲得

大自在遠離一切所有慳垢威被有情調伏
慳恪諸四攝事所作業中一切不離佛法僧
寶證一切種菩提作意恒發願言我當一切
有情中尊作諸有情一切義利所依止處

若樂發起如是精進棄捨一切家屬財位歸

佛聖教淨信出家一刹那頃瞬息須臾能證

惡 瑜伽師地論卷七

菩薩百三摩地以淨天眼能於種種諸佛國

伏四

土見百如來又即於彼變化住持菩薩住持

皆能解了以神通力動百世界身亦能住放

大光明周匝遍照普令他見化為百類成熟

百種所化有情若欲留命能住百劫於前後

際各百劫事智見能入蘊界處等諸法門中

於百法門能正思擇化作百身身身皆能現
百菩薩眷屬圍遶自茲以去是諸菩薩由願
力故當知無量威力神變安住如是極歡喜
住諸菩薩衆願力增上能引無量殊勝正願
所作神變如是正願乃至俱胝那庾多百千
大劫不易可數

當知是名略說菩薩極歡喜住謂善決定故
四相發心故發起精進引發正願故淨修住
法故開曉餘住故修治善根故受生故威力
故若廣宣說如十地經極喜地說彼十地經
廣所宣說菩薩十地即是此中菩薩藏攝摩
怛理迦略所宜說菩薩十住如其次第從極

歡喜住乃至最上成滿菩薩住應知此中由
 能攝持菩薩義故說名為地能為受用居處
 義故說名為住

瑜伽師地論卷第四十七

俳優二音 睇音瑩 遽具去 祈渠依 狹咸
或 中聲 曠野上 點閑八 鑛金上 王

反惡 或瑜伽師地論四十七 曠野上 點閑八 鑛金上 王

瞻二字並 瞬息上 閨詩 反

山城國綴喜郡薪村

靈瑞山酬恩菴沙門宗桂書寫之

